



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
OPĆINSKI NAČELNIK



---

Vogošća, ul. Jošanička, br. 80; tel: 00387 33 586 413, fax: 586 416

Na osnovu člana 10. stav 1. tačka d) i člana 18. stav 2. Zakona o javnim nabavkama Bosne i Hercegovine ("Službeni glasnik BiH", broj 39/14), člana 72. Zakona o električnoj energiji u Federaciji BiH ("Službene novine Federacije BiH", broj: 66/13) i člana 71. i 125. Statuta Općine Vogošća ("Službene novine Kantona Sarajevo", broj: 27/14 – prečišćeni tekst i 14/15), Općinski načelnik dana 13.03.2019. godine donio je

#### **ODLUKU**

**O IZUZEĆU OD PRIMJENE ODREDBI ZAKONA O JAVNIM NABAVKAMA BIH, U POSTUPKU NABAVKE RADOVA NA ZAŠTITI-IZMJESTANJU ELEKTROENERGETSKIH OBJEKATA KOJI SU VLASNIŠTVO JP "ELEKTROPRIVREDA BIH" D.D. SARAJEVO, U ULICI BRAĆE KRŠO, NA PROSTORU OPĆINE VOGOŠĆA**

#### **I**

Ovom Odlukom izuzima se od primjene odredbi Zakona o javnim nabavkama BiH ("Službeni glasnik BiH", broj 39/14), postupak nabavke radova na zaštiti-izmještanju elektroenergetskih objekata koji su vlasništvo JP "Elektroprivreda BiH" d.d. Sarajevo, u ulici Braće Kršo, na prostoru općine Vogošća.

#### **II**

Procjenjena vrijednost predmetne nabavke/ugovora iznosi 18.384,56 KM bez uračunatog PDV-a.

#### **III**

Finansijska sredstva za predmetnu nabavku obezbijeđena su u Budžetu Općine Vogošća za 2019. godinu, ekonomski kod 615118-ravne plohe (parking prostori, trgovi, ivičnjaci i sportske plohe).

#### **IV**

Izveštaj o provedenom postupku po izuzeću iz člana 1. ove Odluke bit će unešen u sistem "E-nabavke", a u skladu sa članom 9. stav 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "E-nabavke", u roku od 30 dana od zaključivanja ugovora ("Službeni glasnik BiH", broj: 90/14 i 53/15).

#### **V**

Ova Odluka stupa na snagu danom donošenja, a objaviće se na web stranici Općine Vogošća.

## Obrazloženje

U članu 72. Zakona o električnoj energiji u Federaciji BiH ("Službene novine Federacije BiH", broj: 66/13), propisano je da se elektroenergetski objekti, uređaji, vodovi i postrojenja elektroenergetskih subjekata, fizičkih lica i kupaca grade, koriste i održavaju u skladu sa važećim propisima, standardima i tehničkim normativima koji se odnose na tu vrstu objekata, kao i propisima kojima su utvrđeni uslovi u pogledu zaštite životne sredine, i ne smiju ugrožavati sigurnost ljudi i imovine.

Članom 76. stav 2. Zakona o električnoj energiji u Federaciji BiH ("Službene novine Federacije BiH", broj: 66/13), propisano je da vlasnici, korisnici i posjednici nekretnina koje se nalaze ispod, iznad i pored elektroenergetskih objekata ne smiju vršiti radove ili druge radnje kojima se ometa i onemogućava obavljanje djelatnosti iz stava (1) ovog člana (proizvodnje ili prijenosa ili distribucije električne energije) ili se ugrožava rad i funkcionisanje elektroenergetskih objekata, bez prethodnog odobrenja elektroenergetskog subjekta, koji je vlasnik, odnosno korisnik elektroenergetskog objekta.

Obzirom da je JP "Elektroprivreda BiH" d.d. Sarajevo vlasnik elektroenergetskog objekta koji je predmet izmještanja, a sve u svrhu nesmetanog pristupa lokalitetu planiranog polaznog autobusnog stajališta, čija je gradnja planirana u ulici Braće Kršo bb, na području općine Vogošća, donesena je Odluka kao u dispozitivu.

### Dostaviti:

- Služba za poslove Općinskog vijeća i Općinskog načelnika,
- Služba za komunalne, poslove mjesnih zajednica i zajedničke poslove,
- Evidenciji,
- a/a.

OPĆINSKI NAČELNIK 1

Edin Smajlić

Broj: 07-14-2005/18

Vogošća, 13.03.2019. godine